



ԱՄԱՆՈՐԻ ԵՎ ՓՐԿԶԻ ՀՐԱՇԱՓԱՌԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ,
Տ. Տ. ՎԱԶԳԵՆ Ա. ՀԱՅՐԱՊԵՏԻ ԵՎ ՔՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ*

Զերդ Սրբություն.

Այս միջոցին, երբ մենք տոնախմբում ենք Ծնունդը և Հայտնությունը Տիրոջ Բանին, որ մարդացավ վասն մերո փրկության, շնորհավորում ենք Զերդ Սրբությունը, մեր շնորհավորանքների հետ հայտնում Զեզ շնորհակալություն այն սրտագին բարեմաղթանքների համար, որ մեզ հղել էիք:

Աստվածորդ: գալուստը մարդկանց մեջ եղավ մեծագույն հայտնությունը Աստծո ունեցած սիրուն դեպի մարդկությունը: Մեր աղոթքներով կմիանանք Զերդ Սրբության հետ, որ սերն ու խաղաղությունը Երկնավոր Մանկան սփռվի ամբողջ աշխարհի վրա, որպեսզի մարդիկ հաշտվեն Աստծո և իրար հետ՝ նրա միջոցով, որովհետև նա է մեր խաղաղությունն ու հաշտությունը (Եփես. Բ 14—16):

Ի Քրիստոս եղբայրական սիրո վերանորոգ արտահայտությամբ՝

ՊԱՊ ՊԱՎՂՈՍ Զ.

ՎԱՏԻԿԱՆ

* * *

Զերդ Սրբություն.

Եկեղեցու հավատացյալ ժողովրդի հետ գնանք դեպի Բեթղեհեմ՝ երկրպագելու մեր Փրկիչ Հիսուս Քրիստոսին, մատուցենք մեր սրտի երկրպագությունը, մեր սերը՝ միմյանց նկատմամբ, և մեր անկեղծ իղձերը՝ միության:

* Տե՛ս նախորդ համարի 8-րդ էջը:

Սուրբ Ծննդյան այս մեծ տոնի առիթով սրտագին ողջունում ենք Ձերո Սրբությանը և իր հավատացյալ հոտին, որպեսզի մարդացյալ Փրկիչը առատորեն պարգևի իր օրհնություններն ու շնորհները ձեր սուրբ եկեղեցուն, Ձերո Սրբությանը և ձեր հավատացյալ ժողովրդին:

Սեր Տիրոջ օրհնությամբ լի նոր և խաղաղ տարի Ձեզ և համայն աշխարհին:

ԱԹԵՆԱԳՈՐԱՍ

Տիեզերական պատրիարք հունաց

ՍՏԱՄԲՈՒԼ

*
* *

Ձերո Սրբություն.

Եղբայրական սիրո և հոգեկան ուրախության զգացումով ողջունում եմ Ձերո Սրբությունը Քրիստոսի Ծննդյան տոնի առիթով:

Թող օրհնե մեզ նորածին Աստվածը և Փրկիչը մեր, պտղաբերի մեր ծառայությունը իր սուրբ եկեղեցուն և գալիք նոր տարում պարգևի ամենքիս իր բարիքները ու բոլոր ժողովուրդներին բաշխի խաղաղություն:

Ձերո Սրբության նվիրյալ ի Քրիստոս՝

ԱԼԵՔՍԻ

Պատրիարք Մոսկվայի և համայն Ռուսաստանի

ՄՈՍԿՎԱ

*
* *

Ձերո Սրբություն.

Եղբայրական ջերմ շնորհակալություն Ձեր շնորհավորանքների համար՝ Նոր տարվա և Փրկչի ս. Ծննդյան տոների առիթով:

Մարմնացյալ Տերը թող խաղաղություն պարգևի աշխարհին և միություն իր եկեղեցուն: Այս առիթով ցանկանում ենք, որ մեր սիրո և եղբայրության կապերը Է՛լ ավելի ամրապնդվեն, Աստուծո փառքի համար:

Ձերո Սրբության ի Քրիստոս եղբայր՝

ՆԻԿՈՂԱՅՈՍ

Պատրիարք Ալեքսանդրիայի

ԱԼԵՔՍԱՆԴՐՈՒԱ

*
* *

Մարդացյալ Փրկչի Ծննդյան տոնի առիթով եղբայրական սիրով լցված շնորհավորում ենք Ձերո Սրբությունը ամբողջ սրտով՝ մաղթելով Ձեզ առողջություն, հոգեկան բերկրանք և բազում հոգևոր ուրախություններ: Թող աշխարհը լցվի երկնային խաղաղության օրհնությամբ:

ԲԵՆԵԴԻԿՏՈՍ

Պատրիարք հունաց Երուսաղեմի

ԵՐՈՒՍԱԼԱԵՄ

Ձերդ Սրբություն.

Սուրբ Ծննդյան և Նոր տարվա տոների մոտալուտ գալուստը երջանիկ պատեհություն է ընծայում ինձ՝ եղբայրաբար ողջունելու Ձեզ և արտահայտելու այն միևնույն բարեմաղթությունները, որոնք այս օրերին ինքնաբերաբար բխում են եկեղեցու պատասխանատու բոլոր անձանց սրտերից և որոնք արտացոլում են այն մաղթանքները, որ երկինքն ինքն ուղղեց երկրին մեր Փրկիչ և Տեր Հիսուս Քրիստոսի ծննդյան օրը. «Փառք ի բարձունս Աստուծոյ, յերկիր խաղաղութիւն, ի մարդիկ հաճութիւն»:

Թող «Մանուկն երկնային, որ էր յառաջ քան զլինելն աշխարհի», ինչպես երգվում է մեր սուրբ պատարագում, իր երկնային շնորհներն առատապես բաշխի Ձեզ և Քրիստոսի սիրեցյալ հոտի մեկ մասի հովվության Ձեր առաքելության մեջ օգնի Ձեզ և մեր բոլորի առաջ հերթի փոխըմբռնման ու միության ճանապարհը:

Երջանիկ եմ զգում ինձ՝ այս առթիվ վերանորոգելու իմ եղբայրական այն բարի մաղթանքները, որոնք անձամբ Ձերդ Սրբությանը հղելու ստիժը տրվեց ինձ Մոներալի օդանավակայանում:

ՄԱՔՍԻՄՈՍ Ե

Պատրիարք Ամսիոքի և համայն Արևելքի

Դ. Ա. Մ. Ա. Ս. Կ. Ո. Ս.

*
* *

Ձերդ Սրբություն.

Ծնորհակալ եմք Ձերդ Սրբության արժեքավոր այն պատգամի համար, որ ուղարկել էիք Տիրոջ Ծննդյան տոնախմբության առիթով: Խորապես հավատում եմք, որ այն հրաշալի օրերին Բեթղեհեմում ծնված առաջին Մանուկը՝ Փրկիչն ու Լույսն է աշխարհի և Խաղաղության Իշխանը: Կրուսանք, որ ճառաջնորդելու է ներկա աշխարհը խավարից դեպի լույսի և խաղաղության ճշմարիտ ճանապարհը:

Երբ շնորհավորում եմք Ձերդ Սրբությանը այս երջանիկ առիթով, խընդրում եմք Մարմնացյալ Աստծուն օրհնելու Ձերդ Սրբությունը իր առատ ուրախությամբ և շնորհելու Ձեզ առողջություն և հաջողություն:

Ի Քրիստոս Ձերդ՝

ԻԳՆԱՏԻՈՍ ՀԱԿՈԲ Գ.

Սիրիայի օրթոդոքս եկեղեցու
և համայն Արևելքի պատրիարք

Դ. Ա. Մ. Ա. Ս. Կ. Ո. Ս.

*
* *

Ձերդ Սրբություն.

Այսօր Բեթղեհեմի այրում մարմին առավ աշխարհի Փրկիչը Քրիստոս և մեկ անգամ ևս աշխարհում հնչեց այնքան բաղձալի հրեշտակների օրհներգությունը՝ «Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն»:

Աղոթում ենք, որ մարդացյալն Աստված շարունակի ոգևորել և պաշտպան կանգնել մեր բոլոր գործերում՝ իր անվան ու փառքի համար:

ԲԱՍԻԼԻՈՍ .

Պատրիարք երովպական եկեղեցու

Ա. Դ. Ի. Ս. - Ա. Բ. Ե. Բ. Ա.

*
* *

«Քրիստոս ծնաւ և յայտնեցաւ»

Աստված իր Որդուն ուղարկեց փրկելու աշխարհը:

Քրիստոսի վարդապետությունը մարդկանց մեջ սերմանում է սեր և խաղաղություն և ժխտում ամենայն բռնություն և պատերազմ:

Աղոթենք առ Աստված, որ այսուհետև ևս աշխարհը զերծ մնա բռնություններից և պատերազմներից և մեր Փրկիչը պարգևի իր աստվածային սերը և խաղաղությունը:

Եղբայրական սիրով ի Քրիստոս՝

ԵՓՐԵՄ Բ.

Կաթողիկոս-պատրիարք համայն Վրաստանի

Թ. Բ. Ի. Լ. Ի. Ս. Ի.

*
* *

Ձերդ Սրբություն.

Քրիստոսի ս. Ծննդյան ուրախությունը լուսավորում է մեր հոգիների մեջ մեծ հույսը, թե Աստված իր անսահման սերը ցույց տվեց աշխարհին և մարդկությանը:

Այս խոհերով ցանկանում ենք ձեզ կատարյալ քաջատողջություն և հոգեվոր ուրախություններ: Թող նոր տարին լինի խաղաղության, եղբայրության և բարօրության տարի:

Եղբայրական սիրո ողջագուրումով՝

ԺՈՒՍՏԻՆԻԱՆ

Պատրիարք Ռումինիայի

Բ. ՈՒՍՏԻՆԻԱՆ

*
* *

Ձերդ Սրբություն.

Սրտագին ողջունում ենք Ձեզ Քրիստոսի Ծննդյան լուսաշող տոնի առթիվ և մաղթում Ձեզ, ձեր եկեղեցու հոգևոր դասին և հավատացյալ հոտին քաջատողջություն, խաղաղություն և բարօրություն նոր՝ 1969 տարում:

Աղոթող ենք առ Աստված, որն ի սեր իր իսկ ձեռքով ստեղծված աշխարհին, ուղարկեց իր Որդուն, որպեսզի նա բազմապատկի բարի կամքի տեր մարդկանց թիվը աշխարհում և ստեղծի միասնություն ի Քրիստոս աշխարհի բոլոր ծայրերում:

Ձերդ Սրբության նվիրյալ ի Քրիստոս եղբայր՝

ԿԻՎԻԼ

Պատրիարք Բուղարիայի

ՍՈՖԻԱ



Զերդ Սրբություն.

«Քրիստոս ծնաւ ի Բեթղեհեմ»:

Հրեշտակների պատգամը միանգամայն թարմացած հնչում է աշխարհով մեկ, երբ մոտենում է մեր Տիրոջ Ծննդյան տոնը: «Եկալք երթիցուք մինչև ԳԲԵթղեհեմ և տեսցուք զի՛նչ է բանս, զոր Տէր եցոյց մեզ»:

Այդ գիշեր Բեթղեհեմում համեստ հովիվները և ապա աշխարհի բոլոր քրիստոնյաները շտապեցին դեպի մտուր, երկրպագելու Մանուկ Թագավորին: Նա անօգհական պառկել էր մտուրի մեջ, թեև նա աշխարհի Փրկիչն էր: Նա Խաղաղության Իշխանն էր, ծնված մի աշխարհում, որը պատակտված էր մարդու չար հակումներով:

Բազում դարեր են անցել Ծննդյան օրերից, բայց աշխարհը դեռևս ուշադրությո՜ւն չի դարձնում Մարմնացյալ Տիրոջ կողմից եղած փրկության պատգամին: Ժողովուրդ ժողովրդի դեմ է կռվում, և գաղթականներ խույս են տալիս իրենց տներից, որովհետև «ոչ գոյ տեղի յիշևանի»:

Երբ հիշում ենք Տիրոջ ս. Ծնունդը, դառնանք դեպի նորածին Փրկիչը՝ գոհությամբ և ապաշխարությամբ և աղոթենք, որ նա՝ աշխարհի Լույսը, չքացնի խավարի գործերը և վերածնվի մեր սրտերում և ամենուրեք, սրտերում բոլոր մարդկանց:

Միացած Ձեզ հետ սուրբ Տիրամոր և ամենայն սրբոց բարեխոսությամբ աղոթում ենք, որ նա առատապես օրհնե Ձեզ, սիրելի եղբայր իմ, ձեր եկեղեցու բոլոր հոգևորականներին, հավատացյալներին և լիացնե Ձեզ հավատքի սիրով, ուրախությամբ և խաղաղությամբ:

Եղբայրական սիրով և ողջունիվ, մնամ Ձեր սիրելի եղբայր ի Քրիստոս՝

ՄԱՅՔԼ ՌԵՄՁԻ

Արքեպիսկոպոս Քեմստրբերիի, եպիսկոպոսապետ և միտրոպոլիտ համայն Անգլիայի

ԼՈՆԴՈՆ

Զերդ Սրբություն.

Ամենաարտագին շնորհավորանքներ Զերդ Սրբության՝ Քրիստոսի Ծննդյան տոնի առթիվ:

Մենք հավատում ենք, որ Երկնային Թագավորը միշտ մեզ հետ է, և որ նա խաղաղություն ու հաճություն պիտի պարգևի ամբողջ աշխարհին և բարի կամքի տեր մարդկանց:

Մեր հոգևոր դասի ու հավատացյալների կողմից ամբողջ հոգով մաղթում ենք Զերդ Սրբության՝ աստվածային ամենայն բարիքներ նոր՝ 1969 տարում: Եղբայրական սիրով ի Քրիստոս՝

ՍՏԵՖԱՆ

Միտրոպոլիտ Վարչավայի և համայն Լեհաստանի

ՎԱՐՇԱՎԱ

*
* *

Հանձնեցեք ընդունիլ եղբայրական մեր լավագույն մաղթանքները՝ Նոր տարվոյն և սուրբ Ծննդյան առթիւ:

Մեր ջերմ աղոթքն է, որ Աստուծոյ Որդւոյն Ծննդյան միջոցին հրեշտակներուն ավետած խաղաղութիւնը տարածվի համայն աշխարհի վրա և ազատե մարդկութիւնը պատերազմի մղձավանջէն՝ անդորրոյթուն պարգևելով տիեզերքի բոլոր բնակիչներուն:

Վստահ ենք, որ այսպիսի միջնորդութի մեջ մեր սիրելի հայրենիքը ուրախութիւնը պիտի ունենա ավելի ևս զարգանալու, հառաջդիմելու և իր զավակները երջանկացնելու:

Իսկ եկեղեցին շատ ավելի հեշտ կերպով պիտի տարածեր իր մայրական հոգածութիւնը տառապյալ մարդկութեան վրա, լուսավորելով մտքերը հավատքի ճշմարտութիւններով, զորացնելով կամքերը Աստուծոյ շնորհներով և ամոքելով վշտացյալ սրտերը:

Հայցելով Աստուծոյն Վեհափառ Տերութեան համար երջանիկ տարիներ, կատարյալ առողջութեամբ և առաքելական գործոց հաջողութեամբ, մնաւք եղբայրական սիրոյ ջերմ ողջունիլ և հարգանք,

Զերդ աղոթակից՝

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ
Պատրիարք կաթողիկէ հայոց

ԲԵՅՐՈՒԹ

*
* *

Զերդ Սրբութիւն.

Երախտագիտութեամբ և սիրով ողջունում ենք Ծնունդն ու Աստվածահայտնութիւնը մեր Փրկիչ Հիսուս Քրիստոսի և շնորհակալ ենք Աստծուն, որ անսպառ բարութեամբ ուղարկեց իր Միածնին աշխարհ, որպէսզի նախահոր անեծքից փրկի մեզ:

Սրտեռանդ աղոթում ենք Մարդացյալ Փրկչին՝ շնորհելու Զեզ քաջառողջութիւն և օրհնելու Զեր հոգևոր գործերն ու ջանքերը՝ ի բարօրութիւն եկեղեցու, ի միաբարութիւն հայ հավատացյալ ժողովրդի:

Զերդ Սրբութեան սիրող եղբայր ի Քրիստոս՝

ՄԱԿԱՐԻՈՍ
Արքեպիսկոպոս Կիպրոսի

ՆԻԿՈԶԻԱ

*
* *

Զերդ Սրբութիւն.

Նոր տարվա հանդիսութիւններին առթիւ ներկայացնում ենք Մեր եղբայրական մաղթանքները՝ Զերդ Սրբութեան երջանկութեան, գործոց հաջողութեան և մեր սիրեցյալ ժողովրդի բարօրութեան համար:

Փա՛ռք մեր փրկիչ Հիսուս Քրիստոսին և խաղաղութիւն աշխարհին:

ԿԱՐԴԻՆԱՆ ԱՂԱԶԱՆՅԱՆ

ՎԱՏԻԿԱՆ

Թող մեր Փրկչի լույսը շողա ամբողջ տարին Զեր եկեղեցու մեջ և հավատացյալների հոգում այժմ և միշտ:

ԲԼԵՑԿ

Եկեղեցիների համաշխարհային խորհրդի
ընդհանուր քարտուղար

Ժ. Ն. Ե. Վ.

Գոհություն Աստծո՝ Նոր տարվա և ս. Ծննդյան տոների առթիվ իր առատ օրհնությունների համար: Մենք՝ ֆրանչիսկյաններս, ուրախությամբ կվերհիշենք Զերդ Սրբության այցը մեր Փրկչի ծննդյան վայրը:

Դարձյալ կվերանորոգենք ամենաանկեղծ մաղթանքները այս տոների առթիվ, խնդրելով Բեթղեհեմի Մանուկից՝ իր Հայտնության տոնի առթիվ, իր շնորհները բաշխելու Զերդ Սրբության և ձեր հավատացյալների վրա: Թող խաղաղության պատգամը թափանցի մարդկանց սրտերից ներս՝ ամենուրեք:

Թո՛ղ Մանուկն Քրիստոս պարզևի աշխարհին իր ծննդյան շնորհը, որ սերն է, և շունչը իր Ծննդյան, որ խաղաղությունն է:

ԷՄԻՆ ՌՈՆՍԱՐԻ

Կուստոդ և. Երկրի

ԵՐՈՈՒՍԱՂԵՄ

Զերդ Սրբություն.

Մեր Փրկչի՝ Հիսուսի Քրիստոսի Ծննդյան տոնի առիթով ուրախությունն ու հաճույքն ունինք Զերդ Սրբության և ձեր առաքելական հովվապետության հանձնված հոգին հղելու մեր Տիրոջ՝ Քրիստոսի անունով ջերմագին մաղթանքներ, Իմ, եպիսկոպոսների, քահանաների և Կանադայի անգլիկան եկեղեցու հավատացյալ ժողովրդի կողմից:

Մեր ջերմագին աղոթքն է, որ այս հասարակաց օրհնյալ տոնախմբությունը լցնի ոչ միայն մեր օրերը խաղաղությամբ ու երջանկությամբ, այլ նաև լինի հուսադրիչ առիթը դեպի մեր Տերը Հիսուս Քրիստոսով՝ սիրո, եղբայրության և միության, որպեսզի նրա անունով արժանի լինենք դառնալու քարոզիչները խաղաղության և համաձայնության, մաքառումներով լի այս աշխարհի վրա:

Զեր հավատարիմ եղբայրը ի Քրիստոս՝

ՀՈՎԱՐԴ Հ. ԿԼԱՐԿ

Կանադայի անգլիկան եկեղեցու արքեպիսկոպոս

ՏՈՐՈՆՏՈ

Զերդ Սրբություն.

Հաճույքն ունեմ սույն գրության կից Զեզ փոխանցելու Նորին Սրբություն Պավղոս Զ պապի նամակը:

Երջանիկ եմ զգում ինձ, որ օգտվելով այս առիթից, հնարավորություն եմ ունենում վերստին արտահայտելու Ձերդ Սրբությանը իմ լավագույն բարեմաղթությունները այս նոր տարվա սկզբին և խնդրելու, որ ընդունեք իմ հարգալիիր զգացմունքների արտահայտությունը ի Քրիստոս:

Ժ. Գ. Մ. ՎԻԼԼԸՐՈՒՆԴՍ

Քարտուղար Քրիստոնեական եկեղեցիների միության դիվանի

Վ. Ա. Տ. Ի. Կ. Ա. Ն.

*
* *

Ձերդ Սրբություն.

Ի խորոց սրտի ողջունում եմ Ձերդ Սրբությունը՝ մեր Տիրոջ Ծննդյան տոնի առիթով: Ձեզ հետ միասին ուրախանում ենք Տիրոջ ուրախությամբ, երգում և հրեշտակների երգը՝ «Յերկիր խաղաղություն, ի մարդիկ հաճություն»: Այս երգը թող լինի մեր ամբողջական ու կատարյալ ընդհանուր ուրախությունը, քանզի աստվածային ուրախությունն է՝ մեր հոգևոր գոյությունը:

Ի սրտե շնորհակալ եմ Ձերդ Սրբության իր սիրալիիր ուղերձի համար: Սիրով ի Քրիստոս՝

ԱԼԽԻՆԴՐ ՏՈՒՄԻՆԳ

Հաստնական ՍՍՀ ավետարանական-լուսերական
եկեղեցու արքեպիսկոպոս

Տ. Ա. Լ. Ի. Ն.

*
* *

Վեհափառ Տեր.

Հիսուսի հրաշափառ Ծննդյան տոնին և Ամանորի նվիրական առիթներով կու գամ սրտագին շնորհավորություններ ներկայացնել Վեհափառ Տերությանդ միաբանությանն քոլոր անդամներուն կողմե, ամենաջերմ մաղթանքներով և լավագույն իղձերով:

Աղոթող եմք, որ Արդարության Արեգակին պայծառ լույսը հավետ շողա և. Էջմիածնի հիմնավորց գմբեթներուն տակ և լուսակերպե հայ ժողովուրդն համայն, հայրենիքի սահմաններուն մեջ և ի սիրյուս աշխարհի, ու մանավանդ մխիթարե գամենք:

Մեր բոլոր փափագն է, որ խաղաղության ծիածանը տարածվի աշխարհն աշխարհ, մանավանդ 1969 թվականի ընթացքին, քոլոր բարյացակամ մարդոց տենդագին ջանքերով, ու Բեթղեհեմի շնորհաբեր աստղը ծագի վերստին՝ ավետելու՝ «Յերկիր խաղաղություն, ի մարդիկ հաճություն»:

Այս զգացումներով կմաղթենք Վեհափառ Տերությանդ արևշատ տարիներ, քաջառողջ կյանք, երջանիկ ու խաղաղ գահակալությամբ և շինարար գործունեությամբ՝ «ընդ երկայն ատուրս» հովվելու ժողովուրդն հայոց, ի պայծառություն Հայաստանյայց եկեղեցվո և ի փառս սրբո Միածնին:

Ամենախորին մեծարանքով Վեհափառ Տերությանդ խոնարհ ծառա՝

Հ. ՀՄԱՅԱԿ ՎԱՐԴԱՊԵՏ ԿԵՏԻԿՅԱՆ
Ընդհ. արքահայր Մխիթարյան միաբանության

Վ. Ե. Ն. Ե. Տ. Ի. Կ.